

*Discolor unde auri per ramos aura refulsit.*

Et addit,

— *Primo auulsu non deficit alter*

*Aureus, & simili frondescit virga metallo.*

Qua quidem re ostendit, feracem fuisse terram illius metalli. Creuisse id aurum in arbore, poëticum est: per quam arborem copia significatur. Sacrum fuisse Proserpinæ, mythologicum est: quia sub terris, aut certè (vt Plinius ait) in summo cespite, metallainueniuntur. Aries auratus Aætæ regis Colchorum poëtis notus est: item aries Pelopidarum, de quo Tragicus,

— *nobile in stabulis pecus*

*Arcanus aries, ductor opulenti gregis*

*Huius per omne corpus effuso coma*

*Dependet auro, cuius è tergo noui*

*Aurata reges sceptrata Tantalici gerunt.*

Aurum Tolosanum, quod in eius urbis incendio confluxit, locum pro- uerbio reliquit in eos, quibus infelicitè sua rapina cedit. Aurum nunc